

教上之欺詐與一切僭竊淫邪之風。則如何使之掃蕩而廓清。他若教養子女。與飲食起居。則如何使臻於至善。總之啟迪衆生。利澤天下。皆研究真科學者所有事也。其任重事繁爲何如乎。今也攫取公衆之金錢。以建築闊大煥麗之堂樓焉。學校焉。而畫一格曰。儻可入其中肄業。儻則不可入其中肄業。且限定應習之何科何目。既畢業。則復按科授以證書。得此證書者。即憑此一紙以爲衣食於他人之具。嗚呼。研究學問。乃獲賞焉。乃且由此得非分之利焉。不亦慎哉。

設譬以明之。則金盤玉盃。雜列方丈。而限之曰。孰可食。孰不可食。就其所限而大嚼者。則得賞。夫同一果腹之具。有吝有不吝。且懸獎以求。則其許人取食者。必爲惡臭之品。而爲之主人者。其設心不在救人之饑餓。而在鳩人以致其死。蓋無疑也。今之所謂科學者。得母類是。

一言以蔽之。吾人所需者。不在信仰研求由威力與金錢所介於我之科學。而在承受可以自由取擷之科學。此項科學。依吾曹人人靈明中之天帝之意志。而教吾人以良善生活之道者也。苟人人此心。事此事。世界強凌弱衆暴寡之惡風。上級者壓抑下級者之弊俗。庶幾可漸即消除。而人類或有出火水而登衽席之一日乎。

留英儉學會意趣書

去歲同人有留法儉學會之組織。入會而去法國者。已六七十

人。願吾國習英文者至多。欲往英國而力量不充者。甚憾儉學會之不能發起於留英。幾於時時有詢同人者。輒曰學費一年止需六百元。於法則能如此之廉矣。於英生活程度高大。約必不能耶。同人每熱誠應之曰。歐美各國之生活程度。大略相等也。無論至何國留學。皆可奢可儉。即英即德即美。苟寒士能辦六百元一年者。皆可從容留學。無異儉學會人之能留於法矣。留法所以首先已設儉學會者。因吾同人之熱心勸學者。於法適較多。且信法有數種學科理論較精於他國故也。倘有人平日蓄志欲別往他國。而又勉能擔負年金六百元之數者。其實儘可毅然西行。彼中皆有我國之同學。能代爲布置。聞者每欣然而去。經同人介紹至法國以外者。亦頗不乏人。然而大半則嫌非有組織如留法儉學會者。則無一定之機關。可以直接要求。且於父兄作主願得妥人委託者。尤望有固定之團體。以免親友輾轉介紹。或至不負招呼之責任。同人徇此意。因續設留英儉學會。其組織之方法。與留法儉學會同者有十九。不同者僅十一。今試略敘儉學會之概要如左。使人透澈其性質與任務焉。

(一) 儉學會之主旨。乃爲人指導既節省又適當之旅行法及留學法。希望自費留學西洋者日多。以補公費之不足。賅括言之。則曰其人能辦二百至三百元之出洋川資。又能籌措每年六百元或略少於六百元之旅費者。即可由儉學會介紹至英國留學。(留法亦可) 惟六百元之年命。並不必一次籌出。可分數期寄匯。亦非給儉學會爲之包辦。乃儉學會力任代爲薦引布置。能保固

23340
其不踰此數。所有一切學費宿費等。皆請本人與學校及寓主等直接自相授受。齋約之人。定可於六百元之數。更能做微節省。偶有年幼學生。父兄欲要求會中代為經營銀錢出入者。亦可。

(二) 儉學會並不能幫助入會人資費。亦不欲要求入會人報酬。所有儉學會事務所補習科招待員之開銷等。皆另由同人中有力者捐款支持。而入會人到發時之補習費住居費茶酒費車馬費等。皆請本人自己出錢。會中所擔之任務。則如應答訪問、籌備補習、留待出發、聯結伴侶、指示衣裝、照料舟車、接引到達、保薦學校、介紹寓宿、收轉信件、扶助急難等等。凡可以免留學之困難者。會中務盡力焉。

(三) 六百元一年之數。學生無論男女。學校無論大小。一概可以強足。因境地有差別。程度有高下。適亦各有其此省彼費之處。互得其平。故無所謂大校之或費於小校。或男校之不同於女校。

(四) 儉學會並無在西洋有自行設立聚居若干華生之組織。因國人相聚一處。最為語言之妨害。故儉學會對於無論男女學生。其程度高而直接可以入學者。止為薦引相當之學校。代覓相宜之宿所。其程度不足。正需豫備者。則薦引可以居宿之豫科男校或豫科女校。務使分居各校。以圖語言進步之速。

(五) 無論男女少長程度若何。儉學會均願介之西行。即有字母未識。自願稍受困難。出洋以後。始在豫科學校中學起者。力半功倍。似亦無所不可。特同人私意。若能在中國時。即熟

知拼音讀法。及粗通文規條例。尤較得當。故同人於上海留英儉學會事務所。附設補習科。專為初學者而設。以供出洋前一年半之預備。教法務求飛速。每月學費兩元。宿費五元。所以不設高等科者。一則會中經費不足。二則我國英文學校。到處可得也。倘問在中國將語文與普通學習之既備。竟往直接入學。善乎否乎。則應之曰。自然大佳。但往西方預備。耗費略大而時間可減。

(一) 留英儉學會與留法儉學會。彼此相通。留英儉學會。暫設於上海四川路二擺渡橋下一百廿八號。留法儉學會。設於北京安定門內方家胡同。欲往英國或法國兩處。均可入會報名。惟補習科上海止有英文。北京止有法文。入會之法。(甲) 在出洋一年半前。即住居補習預備功課。出洋有期。直在儉學會事務所動身。(乙) 預先報名。相約俟有伴出洋時通知。於是集於上海或北京。一同西行。

詳細未盡事宜。可隨時函知事務所。再三詢問。有問皆當縷答。儉學會發起人張靜江汪精衛齊竺山稽重行俞仲還李石曾張博泉齊如山吳稚暉陳仲英

各國陸軍之比較

近年以來。各國整軍經武。不遺餘力。茲將德法英美俄日六強國。一千九百五年及一千九百十二年陸軍之數比較。足徵擴張陸軍之一班。以次表列統計如下。